


neriješen slučaj **Pronađen ubica Marijana Šokčevića**

MAGAZIN BOSNE I HERCEGOVINE

start 1222 hronika


20.02.2007. godina II broj 6 BESPLATNO



Mirko Kasapović, šef Odsjeka
za unutrašnju kontrolu MUP-a KS

Slučaj A. Čame je klasičan primjer zlostavljanja

UHVAĆENA
OSMOČLANA
GRUPA:
Razbijena
sarajevska
automafija



CENTAR
ZA KRIM
VJEŠTAČENJA
Preko opuška
do ubice

Razbijena sarajev

Policijci MUP-a RS-a u koordinaciji sa Specijalnim tužilaštvom RS-a, kolegama iz sarajevskog MUP-a i Tužilaštva Kantona Sarajevo uhapsili su osam osoba osumnjičenih da su krali automobile a potom ih uz novčanu naknadu vraćali vlasnicima. Do nepobitnih dokaza policajci su došli prisluškivanjem telefona kriminalne grupe

PIŠE: Ekrem Tinjak
FOTO: Arhiv Starta

Goran Pržulj, Milosav Samarđić, Bojan Jeftović, Aleksandar Pajdaković, Goran Regoje, Eldan Tvrtković, Savo Lazarević te Miljan Radonja su pripadnici kriminalne grupe koje su nedavno pohapsili policajci MUP-a Republike Srpske. Još se traga za **Miroslavom Lazarevićem** i **Boškom Škrkarom** koji su u bjekstvu. Članovi ove grupe su osumnjičeni da su se bavili krađom vozila i to isključivo na području sarajevskog regiona.

Zajedno sa kolegama iz Kantona Sarajevo, Specijalnim tužilaštvom RS-a i Tužilaštvom Kantona Sarajevo, policajci MUP-a RS-a prikupili su dokaze za period od 1. augusta prošle godine do dana njihovog hapšenja. Utvrđeno je da je u tom periodu spomenuta grupa ukrala 31 vozilo, a potom pozivala vlasnike i vraćala ih uz novčanu naknadu. Ta nadoknada se kretala, u zavisnosti od marke vozila, u rasponu od hiljadu



Kriminalci su razotkriveni zajedničkom akcijom MUP-a RS i MUP-a KS

do deset hiljada konvertibilnih maraka. S obzirom da se na području Kantona Sarajevo i Istočnog Sarajeva mjesečno krađe oko stotinu vozila, pretpostavka je da je značajan broj tih vozila ukrala ova grupa. Zbog toga istraga još traje i njeni rezultati nisu konačni.


Pržulj i ranije hapšen

Krajem 2004. godine Gorana Pržulja priveli su pripadnici MUP-a Kantona Sarajevo zajedno sa **Daliborom Lugonjom** zbog sumnji da su učestvovali u iznuđivanju novca od vlasnika ukradenih automobila. Tada su u javnosti procurile informacije da je to bio kraj najjače organizirane grupe kriminalaca koja je stajala iza krađe automobila u Sarajevu. Međutim, kako se u to vrijeme zbog tadašnje sudske prakse moglo i pretpostaviti, i Lugonja i Pržulj brzo su se našli na slobodi.

Razbijena međunarodna grupa falsifikatora novca

Ilegalna štamparija za štampanje eura koja je nedavno otkrivena u Laktašima kod Banje Luke bila je u funkciji oko dvije godine, ali još nije poznato koliko je u njoj odštampano lažnih novčanica. Na licu mjesta je procijenjeno i oduzeto oko 200.000 lažnih eura a prema nekim procjenama ukupno je odštampano oko 500.000 eura. Akcija u kojoj je na nekoliko lokacija u BiH uhapšeno devet osoba osumnjičenih za organizovani kriminal, proizvodnju i distribuciju krivotvorenog novca, kako je to kazao glavni tužilac BiH **Marinko Jurčević**, rezultat je zajedničke istrage koju već duže vrijeme u BiH provode Tužilaštvo BiH, SIPA, MUP RS-a, MUP Federacije BiH i Policija distrikta Brčko u saradnji sa tužilaštvima Hrvatske i Slovenije te organizacijom tužilaca EU (EUROJUST) i asocijacijom policije EU (EUROPOL).

Kao rezultat ove akcije, na području RS-a, Unsko-sanskog kantona, te distrikta Brčko uhapšeno je devet osumnjičenih za organizovani kriminal, proizvodnju i distribuciju falsifikovanog novca. Izvršen je pretres 11 stanova i poslovnih prostora i akcija je ocijenjena kao izuzetno uspješna. Pronađeni su korištena oprema, štamparija i drugi uređaji za falsifikovanje novca. Prema prvim rezultatima istrage, utvrđeno je da se radi o organizovanoj međunarodnoj mreži falsifikatora novca, koja je funkcionisala na području više zemalja, uključujući i neke od država Evropske unije.



Narko-grupa u pritvoru

Sudija za prethodni postupak Okružnog suda Banja Luka odredio je pritvor do mjesec dana osmoricu od devet muškaraca uhapšenih pod sumnjom da su se bavili proizvodnjom i prodajom droga. Uhapšeni su u akciji policije i Specijalnog tužilaštva RS-a, koja je pokrenuta na čitavoj teritoriji RS-a. U akciji je pretreseno više objekata i zaplijenjeno 2,8 kilograma heroína, čija tržišna vrijednost iznosi oko 100.000 KM a u maloprodaji dostiže i do 300.000 KM.

Uhapšeni su **Zoran Šavija** i **Aleksandar Andrić** iz Istočne Ilidže, **Milenko Mihajlović**, **Mladenko Josipović** i **Savo Simić** iz Ugljevika, **Nedeljko Pajić** iz Brčkog te **Aleksandar Veselinović** i **Zoran Milanović** iz Banje Luke i **Milovan Đukić** iz Dervente. Istražiocima navode da je ovom akcijom presječen lanac organizovane grupe narko-dilera koji su sačinjavale uhapšene osobe.

evska automafija

Slavija nema veze s kriminalom

Miljan Radonja, jedan od uhapšenih, je fudbaler FK *Slavija* iz Istočnog Sarajeva i sin je sportskog direktora ovog kluba **Željka Radonje**. **Dragan Kulina**, predsjednik kluba, kazao je kako su zatečeni viješću da je Miljan uhapšen. Dodao je i da klub nema nikakve veze s tim, a na sudskim i istražnim organima je da utvrdi stepen krivice svakog pojedinca koji mora da odgovara za ono šta je učinio.



Istražioc opravdano sumnjaju da je ova zločinačka grupa pored krađe vozila pomagala drugim kriminalnim grupama u razbojništvima, krijumčarenju narkotika i drugim krivičnim djelima

Vlasnik diskoteke izrešetan s 26 hitaca

Srđan Đurić, vlasnik diskoteke *Enigma* na Palama, ubijen je ispred svoje zgrade u naselju Koran kod Pala. Nepoznata osoba ispalila je u Đurića rafal iz automatske puške, a potom se u automobilu *golf 2* udaljila u nepoznatom pravcu. Usljed zadobijenih povreda Đurić je podlegao na putu do Doma zdravlja. Zbog interesa istrage, iz Tužilaštva RS-a nisu htjeli govoriti o tome koliko je osoba pucalo na Đurića i iz kog oružja.

Na Đurića je ispaljeno 26 hitaca. Pogođen u grudi, noge, ruke Đurić se srušio na asfalt ispred ulaza u zgradu.

Policija CJB Istočno Sarajevo je pregledajući širi lokalitet, na sporednom putu ka Jahorini, nedaleko od objekta *Kikinda*, pronašla zapaljen bijeli *golf* koji je koristio ubica.

Srđan Đurić je, objavljeno je u medijima, bio prijavljivan zbog sitnih krađa a policija ga dovodi u vezu sa **Đorđem Ždralom**, koji, sa svojim ljudima, već više mjeseci vodi pravi rat protiv **Darka Eleza** i njegove grupe. Također, policiji je poznato da su se Ždrale i njegovi ljudi često sastajali u diskoteci *Enigma* čiji je on vlasnik.

Prisluškivanje sumnjivih telefona

Akciju razbijanja ove organizirane grupe kradljivaca automobila započeo je sarajevski kantonalni MUP nakon nekoliko prijava građana da im se nudi otkupnina za njihova ukaradena vozila. Naime, oni su prijavili da su ih nepoznata lica zvala tražeći novčanu naknadu za povrat ukradenog vozila. Policija je došla do određenih brojeva telefona s kojih su oštećeni dobivali pozive i prosljedila ih kolegama iz MUP-a RS. Sud u ovom entitetu u kratkom roku je odobrio prisluškivanje sumnjivih telefona. Kada je bilo potpuno nedvojbeno da se radi o licima koja su umiješana u krađu vozila, policajci MUP RS-a krenuli su u akciju.

Stjepan Lazarević, otac Save i Miroslava, nakon pretresa, izjavio je za medije da je u nalogu za pretres njihove kuće navedeno kako se sumnja da su njegovi sinovi počinili krivično djelo teške krađe. Kazao je i da je policija uzela kartice iz dva mobilna telefona njegovih sinova.

Od privedene grupe, sedam osoba je uhapšeno na području Istočnog Sarajeva, a jedna u Kantonu Sarajevo. U akciji je pretreseno više objekata, a policija je, pored spomenutog, otkrila i veću količinu oružja i municije, za koje se sumnja da je upotrebljavano za izvršenje krivičnih djela.

Istraga za šefa bande sumnjiči Gorana Pržulja, bivšeg pripadnika MUP-a RS-a. Nakon što je prije nekoliko godina napustio policiju, Pržulj je otvorio restoran *Pink* u Lukavici. Već tada se počelo govoriti kako ima veze sa kriminalnim radnjama otuđivanja vozila. Prema nezvaničnim podacima, cijela grupa se redovito okupljala u Pržuljevom restoranu gdje su dogovarali

posao. Ukradena vozila su ostavljali u unaprijed pripremljena skloništa na području Istočnog Sarajeva.

Povezane kriminalne grupe

U ovoj kriminalnoj grupi zaduženja su bila potpuno jasna. Pojedini članovi bande bili su direktno zaduženi za krađe, dok su drugi odvozili ukradena vozila na unaprijed pripremljenu lokaciju. Goran Pržulj je preko saradnika u Kantonu Sarajevo i u Istočnom Sarajevu stupao u vezu sa vlasnicima vozila i *nudio im pomoć uz malu novčanu nadoknadu*. Oni koji su išli logikom da manje komplikacija iziskuje davanje novca za sopstveno auto, nego prijavljivanje krađe policiji, prihvatili su Pržuljevu ponudu. Primopredaja novca uvijek je vršena u blizini entitetske granice, na mjestima i pod uslovima koje su pripadnici kriminalne grupe određivali.

Pored svega navedenog, istražioc opravdano sumnjaju da je ova zločinačka grupa pored krađe vozila pomagala drugim kriminalnim grupama u razbojništvima, krijumčarenju narkotika i drugim krivičnim djelima. U takvim akcijama su pružali logističku podršku drugim kriminalcima, obezbjeđujući im ukradena vozila. Neka od njih vlasnici nikada nisu više vidjeli jer su nakon kriminalnog djela isječeni i prodati kao autootpad.

Prema najavama iz Specijalnog tužilaštva Republike Srpske, čini se da je ova grupa samo polazna tačka za daljnje razotkrivanje učesnika u kriminalnom djelu otuđivanja vozila. Dosadašnja istraga pokazuje ne samo da su kriminalne grupe povezane unutar BiH već da postoje kontakti i sa osobama iz podzemlja u susjednim zemljama. ■

Slučaj Aldina Čame je klasičan

Odsjek za unutrašnju kontrolu MUP-a Kantona Sarajevo u januaru ove godine primio je 24 žalbe na rad policajaca. Prošle godine su evidentirane 292 prijave od kojih su 34 ocijenjene kao osnovane

PIŠE: Almir Panjeta
FOTO: Arhiv Starta

U toku 2006. godine Unutrašnja kontrola MUP-a Kantona Sarajevo primila je 292 žalbe na rad službenika policije, od čega su 34 ocijenjene kao osnovane.

- Od osnovanih žalbi, njih 26 je vođeno na osnovu saznanja iz službe, dok ih je tek osam po prijavi građana - kaže za Start Munib Kasapović, šef Odsjeka za unutrašnju kontrolu u MUP-u Kantona Sarajevo, dodajući da je u toku januara ove godine Odjeljenje primilo 24 žalbe na rad policajaca.

- Po nekim od ove 34 žalbe interne istrage su u toku dok su neke već završene i na disciplinskom sudu su izrečene adekvatne kazne - kaže Kasapović.

Interna istraga

Kako nam je pojasnio, nakon što se žalba na rad ocijeni osnovanom ili nakon što se utvrdi da je policajac prekoračio ovlasti ili upotrijebio silu u suprotnosti sa zakonom, sprovodi se interna istraga. Ukoliko se ocijeni da je osim povreda



Slučaj je preuzelo nadležno tužilaštvo

Zakona o policijskim službenicima ili pravilnika o radu policajac počinio neko krivično djelo, onda se taj

dio upućuje na nadležno tužilaštvo, ali se nastavlja i interna istraga u Unutrašnjoj kontroli. Kako nam

je pojasnio Kasapović, disciplinski postupak funkcioniра po principu klasičnog suda: interni tužilac vodi

Brčko: Nepoznati davitelj

Dana 12. 11. 2005. godine oko 11 sati, radnici koji su radili na izgradnji obdaništa u ulici Dražena Petrovića u brčanskom naselju Kolobara primijetili su kroz prozor stana na broju 1, u blizini radilišta, nepomično žensko tijelo.

Uviđajna ekipa policije i tužilaštva Distrikta Brčko pronašla je tijelo ubijene Verice Radovanović (59) i konstatirala da je riječ

o smrti nasilnim davljenjem. Pretpostavlja se da je ubica u stan ušao kroz prozor i potom sačekao žrtvu.

Verica Radovanović posljednji put je viđena dva dana ranije u prijedpodnevnim satima. Nije primijećeno da nedostaju dragocjenosti ili drugi određeni predmeti, što isključuje koristoljublje kao motiv ubistva.



Policajci su prekršili tri pravila službe: Upotreba sile u suprotnosti sa zakonom, zloupotreba službenog položaja te ponašanje koje šteti ugledu službe


n primjer zlostavljanja

istragu i ako prikupi dovoljno dokaza šalje ih na disciplinski sud gdje se izriču konačne mjere. Kazne koje se mogu izreći na disciplinskom sudu su novčana kazna, zaustavljanje u napredovanju ili prekid radnog odnosa.

Načelnik Kasapović kaže kako je bio zgrožen snimcima nedavnog slučaja gdje su snimljena trojica policajaca Prve policijske stanice u Sarajevu kako zlostavljaju **Aldina Čamu**:

- Svi profesionalni i poštteni policajci sigurno su zgroženi i izražavaju žaljenje što se to dogodilo. Kao i u svakom zanimanju, ne možete biti sigurni da ne postoje loši pojedinci koji mogu ugroziti i okaljati sve ono što drugi pošteno rade. U konkretnom slučaju, s obzirom da su postajale osnove za pokretanje krivičnog postupka, slučaj je preuzelo nadležno tužilaštvo i taj dio će se riješiti na sudu. S druge strane, pokrenut je i disciplinski postupak u Unutrašnjoj kontroli koji će se riješiti na disciplinskom sudu - pojašnjava Kasapović, dodajući da do sada nisu zabilježeni slični slučajevi.

Iako je interna istraga u toku i ne



može se govoriti za koje sve prekršaje će trojica policajaca biti kažnjeni, za sada je, tvrdi Kasapović, evidentno da su prekršili bar tri pravila službe: upotreba sile u suprotnosti sa zakonom, zloupotreba službenog položaja te ponašanje koje šteti ugledu službe.

Prekoračenje policijskih ovlasti

Iako su mnogi u javnosti ovaj slučaj okarakterisali kao prekoračenje policijskih ovlasti, Kasapović kaže

da se radi o puno težem slučaju. Kako nam je pojasnio, Zakon jasno propisuje šta su policijske ovlasti kao i u kojim slučajevima su one prekoračene. Naprimjer, među policijske ovlasti spada: pravo utvrđivanja identiteta, legitimisanje, privođenje, lišavanje slobode, pravo upotrebe snage i vatrenog oružja, policijske palice ili lisica.

- Sve to policajac smije upotrijebiti u posebnim situacijama. Znači, ako smije upotrijebiti snagu ili palicu, upotrebljava je u slučaju kada osoba koju treba privesti pruža otpor, i upotrebljava ih dok otpor ne bude savladan. Ukoliko nakon savladavanja otpora nastavlja koristiti palicu, to se može smatrati prekoračenjem ovlasti. Isto važi i za prekoračenje drugih policijskih ovlasti - pojasnio nam je Kasapović dodajući da u slučaju zlostavljanja Aldina Čame uopšte nema govora o ovlastima.

- Niko nema ovlast da nekoga odvede na livadu izvan grada i udara ga čizmama. To je klasično zlostavljanje - kategoričan je Kasapović. ■

Najgluplji kriminalci

Otkrio ga viski

Jedan lopov u Colorado Springsu uz pomoć pištolja natjerao je radnicu u lokalnoj prodavnici da mu dadne sav novac koji ima. Slučajno je ugledao bocu viskija i htio da i nju ponese pa je naredio radnici da mu da i viski, što je ona odbila. Tražila je od lopova da joj dokaže kako ima više od 21 godinu. Nakon kratke prepirke, iznervirani lopov je pokazao svoju vozačku dozvolu, nakon čega je radnica pristala da u vreću doda i viski. Lopov je pobjegao a radnica odmah nazvala policiju i dala im ime i adresu lopova. Uхваćen je dva sata nakon krađe.

Sam se prijavio

R.C. Gaitlan, dvadesetjednogodišnjak iz Detroita, zanimao se za način rada policijskog kompjutera u njihovim autima kada je vidio prezentaciju dvojice policajaca. Prišao je i pitao kako kompjuter radi. Da bi mu praktično pokazao, policajac je tražio ličnu kartu znatiželjnika. Nakon provjere podataka policajci su utvrdili da se Gaitlan traži zbog oružane pljačke od prije dvije godine. Nisu propustili priliku za laganim hapšenjem.

Pokušaj ubistva završio samoubistvom

Nepoznati muškarac iz Buenos Airesa gurnuo je svoju ženu sa osmog sprata u namjeri da je ubije. Plan je propao kada se ona upetljala u kablove nekoliko spratova niže i ostala živa. Želeći da plan izvede do kraja, muškarac je skočio i pokušao da padne na nju. Na njegovu žalost, promašio je.


Piće mu se obilo o glavu

Jedan muškarac iz Arkanzasa u Americi imao je namjeru opljačkati prodavnicu pića. Staklenom bocom je pokušao razbiti prozor prodavnice, ali se ona odbila i udarila ga u glavu nakon čega je izgubio svijest. Prozor je, naime, bio od pleksiglasa. Cijeli događaj zabilježila je kamera za videonadzor a policajci su nesretnika priveli nakon što mu se svijest vratila.

Bijeljina: Ubistvo Slobodana Ilića

Pola sata nakon ponoći 25. 6. 2002. godine, u centru Bijeljine, sa više metaka iz vatrenog oružja ubijen je **Slobodan Ilić** (25). Prema rekonstrukciji događaja i izjavama svjedoka, nakon što je izašao iz obližnjeg kafica Ilić je sjeo u svoje vozilo marke *golf*. U tom trenutku prilazi vozilo marke *jeta* iz kojeg izlazi maskirana osoba i iz pištolja ispa-

ljuje više metaka u pravcu Ilića. Potom *jeta*, u kojoj je bilo više osoba, odlazi u nepoznatom pravcu, da bi vozilo kasnije bilo pronađeno zapaljeno u ulici Filipa Višnjića u Bijeljini. Tokom istrage, koju vodi Okružno tužilaštvo Bijeljina, saslušano je više osoba, ali bez rezultata.



Pronađen ubica Marijana Šokčevića

► **PRIPREMILO: Amarildo Gutić**
FOTO: Arhiv Starta

Nakon emitiranja rekonstrukcije zločina u novembarskoj emisiji *Neriješen slučaj* na BHT1 istražitelji su dobili korisnu informaciju koja je usmjerila istragu ka počiniocu ubistva **Marijana Šokčevića**.

Pored tužilaštva i policije Distrikta Brčko u istragu su se uključili Uprava policije FMUP-a te MUP Kantona Sarajevo. Konačno, 1. februara ove godine ubistvo je priznao **Jasminko Jašarević** iz Mostara, rođen 1981. godine. Nekoliko dana kasnije obavljena je i rekonstrukcija na mjestu zločina. Istražitelji ne mogu, što je i razumljivo, reći više detalja o sadržaju poziva, jer treba spriječiti bilo kakvu mogućnost da se prepozna izvor informacije, odnosno osoba koja je korisnu informaciju prosljedila nakon emitirane rekonstrukcije. Isto tako, postoje još neka saznanja o samom slučaju tako da istraga nije završena.

Podsjetimo, Marijan Šokčević (1927) pronađen je mrtav 31. marta 2000. godine u svojoj kući u naselju Dubrave u Brčkom. Posljednji je put viđen živ dva dana ranije, 29. marta u poslijepodnevним satima. Tijelo ubijenog pronašle su komšije, koje su provalile ulazna vrata jer im postalo sumnjivo što Marijana nisu dva dana vidjeli. Uvidajna ekipa je utvrdila da je smrt bila nasilna i da je ubistvo izvršeno davljenjem. Ubijeni je živio sam i, prema iskazima komšija i poznanika, nije bio sklon konfliktima, a rodbina mu je živjela u Hrvatskoj. Upravo tih dana nesretni Marijan trebao je dobiti posljednju ratu novca za prodano zemljište, što je bio i povod razbojni-

Nakon emitiranja rekonstrukcije zločina u novembarskoj emisiji *Neriješen slučaj* na BHT1, 1. februara ove godine ubistvo Marijana Šokčevića priznao je višestruki ubica Jasminko Jašarević iz Mostara



Istražitelji su dobili korisnu informaciju koja je usmjerila istragu ka počiniocu ubistva Marijana Šokčevića

čkog napada.

Inače, Jasminko Jašarević već izdržava jedinstvenu kaznu od 42 godine zatvora za ubistva **Ramize Rahimić** i **Ante Borasa** te razbojništva nad **Fatimom Taslaman** u Mostaru. Antu Borasa (68) Jaša-


rević je ubio decembra 2004. godine, prerezavši mu nožem grkljan, a otkriven je na osnovu tragova identificiranih putem DNK analize. Ramiza Rahimić (71) ubijena je u decembru 2005. godine davljenjem golim rukama, kao

što je ubijen i Marijan Šokčević. Kao motiv u svim zločinima Jašarević je naveo koristoljublje. Primjetno je da su sve žrtve bile starije osobe, koje su same živjele, bez mnogo šanse da se suprotstave znatno mlađem i jačem napadaču. Nakon što mu je 5. februara pred sudom u Mostaru izrečena jedinstvena kazna od 42 godine zatvora za ubistva Ante Borasa i Ramize Rahimić, Jasminko Jašarević se samo podrugljivo podsmjehnuo. Kako tek predstoji optužnica i suđenje za ubistvo Marijana Šokčevića, ovaj trostruki ubica će vjerovatno postati neslavni rekorder po visini izrečene zatvorske kazne u BiH. ■

Sarajevo: Ubistvo škorpionom

Dana 15. 1. 2002. godine oko 13 sati i 40 minuta u sarajevskoj općini Centar ubijen je **Muzafer Kalić (25)**, iz Rožaja, nastanjen u Sarajevu. Kalić je ubijen u pasažu zgrade u Mis Irbinoj ulici, gdje je i stanovao. Na mjestu ubistva pronađen je automatski pištolj marke *škorpion* sa prigušivačem, kojim je ubijen nesretni Kalić.

Očevidaca ubistva nije bilo, barem to nije poznato istražiteljima. Dan nakon ubistva u susjednoj zgradi pronađeni su tamno zeleni kombinezon, crne kožne rukavice i kapa. Pretpostavlja se da su ubice nakon presvlačenja prošle kroz drugi ulaz zgrade u susjednu Radićevu ulicu, te potom otišli u nepoznatom pravcu.



Preko opuška do ubice

U centru Ivan Vučetić materijalni tragovi s mjesta zločina pretvaraju se u dokaze. Iz naše zemlje u zagrebački centar svakodnevno dolaze biološki tragovi za DNA analizu, balistika i tragovi za toksikologiju

PIŠE: Adisa Dedić
FOTO: Arhiv Starta

Pretpostavlja je da je u BiH od posljedica predoziranja narkotičkim sredstvima u prošloj godini smrtno stradalo desetak mladih osoba. Samo za jedan dan u januaru su u Sarajevu pronađene mrtve dvije osobe dobi od 24 godine, a uzrok smrti je najvjerovatnije predoziranje. Ne tvrdi se, niti se može sa sigurnošću reći da je to uzrok, jer uz obdukcijski nalaz koji određuje kako je nastupila smrt, naprimjer usljed gušenja, nedostaje i toksikološki nalaz. Naime, toksikološka vještačenja utvrđuju prisutnost droge i alkohola u krvi i urinu kod sudionika u krivičnim djelima, ubistvima i samoubistvima, te kod sudionika u prometnim nezgodama. Zbog nedostatka opreme toksikološka vještačenja na prisustvo droge u krvi ne rade se u našoj zemlji. Takve analize za potrebe BiH rade u Centru za krim vještačenja *Ivan Vučetić* u Zagrebu, koji u sklopu ravnateljstva policije Republike Hrvatske djeluje već više od 50 godina. Bio je to povod da posjetimo ovaj centar i da provedemo dan s hrvatskim forenzičarima.

U ovom impresivnom kompleksu, najjačem na prostoru bivše SFRJ, visokokvalificirani personal obrađuje sve tragove kaznenih djela osim sudske medicine i forenzične psihijatrije. Mnogo je i predmeta iz BiH.

- **To su većinom teži predmeti u kojima ili ne postoji određena aparatura i tehnologija u BiH ili se predmeti šalju na nadvještačenje, što znači na vještačenje kojim se provjeravaju rezultati iz BiH. Uglavnom su to teži pre-**



Jedna analiza u zagrebačkom centru plaća se oko 160 KM

dmeti vještačenja - objašnjava **Gordan Mršić**, načelnik Centra.

U ovaj centar, gdje se materijalni tragovi s mjesta zločina pretvaraju u dokaze, iz naše zemlje šalju se biološki tragovi za DNA analizu, povremeno balistika, ali i tragovi za toksikologiju. Ovdje se rade i analize svih zaplijenjenih droga u Hrvatskoj, ali i kada to traže druge zemlje. Toksikološke analize bitne su i zbog strategije za borbu protiv narkomanije.

- **Na temelju podataka toksikološke analize može se ustanoviti koja je prevalencija droge, koji su to tipovi droge koji se koriste i koji više izazivaju smrtnost. Tako je prošle godine povećana smrtnost od metadona** - kaže **Ines Gmajnički**, sudski vještak za toksikologiju.

Inače, BiH posjeduje laboratorij koji se bavi hemijskim ispitivanjem narkotika, ali za vještačenja droga u krvi neophodna je određena oprema. Za sada je nemamo, a takve usluge se plaćaju. Jedna analiza u zagrebačkom centru plaća se blizu 600 kuna (oko 160 KM).

Iako cijena tog uređaja ne prelazi 200 hiljada KM, za sada niko ne razmišlja o njegovoj kupovini kako bi se izbjeglo plaćanje skupih usluga u Hrvatskoj.

No, moramo biti svjesni koliko se u našoj zemlji malo pažnje poklanja pratećoj opremi za uspješnije otkrivanja počinitelja kriminalnih djela. Dok je kod nas tek u toku instaliranje opreme za DNA bazu podataka, Hrvatska već nekoliko godina ima nacionalnu DNA bazu podataka sa blizu 16 hiljada profila. Koliki je značaj ove baze potvrđuju i riječi načelnika Mršića:

- **Samo preko naših baza godišnje se riješi 450 slučajeva za koje policija nije imala počinitelja, što je velika učinkovitost. To znači da su na osnovu tragova izlistani iz naših DNA baza.**

Ova baza DNA podataka sadrži profile osoba - od statusa osumnjičenika, optuženika pa do osuđenika. Usporedba se vrši automatski, znači svakim unosom bilo kakvog spornog traga s mjesta događaja i sa svim osobama koje postoje u

banci. Također, unos svake nove osobe u bazu se automatski provjerava sa svim do danas neriješenim spornim tragovima koji su pohranjeni u bazi. Kada se radi o osobama mlađim od 16 godina ti se profili ne pohranjuju. U svom radu zagrebački laboratorij za DNA analizu ima stalno i neki od predmeta iz BiH.

Nedavno je uspješno riješen jedan slučaj iz BiH. U blizini tijela pronađeno je nekoliko opušaka koji su se podudarili s opušcima iz pretrage jednog od vozila za koje se pretpostavilo da je počinitelj koristio pri učinjenju djela. Slično je riješen i jedan slučaj dvostrukog silovanja u BiH te mnoga razbojništva.

Baze DNA podataka imaju svrhu na nacionalnom nivou, ali kako kriminal ne poznaje granice razumljivim se čini i da ti podaci moraju biti dostupni i drugim zemljama. Zato su evropske zemlje pokrenule dogovor po kojem bi se na nivou svih zemalja članica EU povezale DNA baze podataka, podaci registriranih vozila, te baze podataka otisaka papilarnih linija. Zahvaljujući sistemu za provjere i identifikaciju otisaka prstiju, sada je lakše identificirati trag dostavljen s mjesta počinjenja krivičnog djela.

Centar za kriminalistička vještačenja *Ivan Vučetić* u Zagrebu godišnje potroši oko sedam miliona eura. Samo za dodatnu edukaciju kadrova potroše oko pola miliona eura i još toliko za edukaciju policajaca o forenzici. Možda će i odgovorni u našoj zemlji prepoznati značaj ovakvih ustanova i pomoći modernizaciju Centra za forenziku pri upravi policije Federacije u Sarajevu. ■

NESTALI



Ime: Inga
Prezime: Perković
Ime oca: Ivica
Spol: Ženski
Datum rođenja: 16.08.1985.
Mjesto prebivališta: Mostar
Karakteristike: Mole se svi koji imaju informacije o ovoj osobi da iste dostave najbližoj policijskoj postaji ili putem telefona 122 ili Operativnom dežurstvu Federalne uprave policije 033 261 300.




Ime: Šaban
Prezime: Husnić
Ime oca: Arif
Spol: Muški
Datum rođenja: 12. februar 1958.
Mjesto prebivališta: Mostar
Karakteristike: Visok 185 cm, krupnije tjelesne građe, prosijede kose sa većim čeonim zaliscima, izduženog lica s tamnom puti.




Ime: Asim
Prezime: Mićijević
Ime oca: Huso
Spol: Muški
Datum rođenja: 3. januar 1952.
Mjesto prebivališta: Mostar
Karakteristike: Nestao 1. aprila 2004.
Opis lica: Visok 180 cm, sijede smeđe-kose, zelenih očiju, tamnije puti. Bio odjeven u šarenu majicu na kojoj je dominirala plava i crvena boja, prsluk žuto-smeđe boje i samtane pantalone.

TRAŽE SE



Ime: Vlado
Prezime: Nikolić
Datum rođenja: 21.05.1967.
Mjesto rođenja: Bihać
Mjera: Hapšenje
Traži se zbog: Neovlaštene proizvodnje i stavljanja u promet opojnih droga
Po naredbi: Općinskog suda Bosanska Krupa
Obavijestiti:
Najbližu policijsku stanicu



Ime: Husein
Prezime: Zolić
Nadimak: Husar
Datum rođenja: 24.01.1970.
Mjesto rođenja: Sanski Most
Mjera: Hapšenje
Traži se zbog: Krivotvorenja novca
Po naredbi: Kantonalnog suda Bihać
Obavijestiti:
Najbližu policijsku stanicu



Ime: Ćazim
Prezime: Behrić
Datum rođenja: 15.04.1958.
Mjesto rođenja: Todorovo, Velika Kladuša
Mjera: Hapšenje
Traži se zbog: Ratnog zločina protiv civilnog stanovništva
Po naredbi: Kantonalnog suda Bihać
Obavijestiti: Najbližu policijsku stanicu

**UKOLIKO IMATE BILO KAKVE INFORMACIJE O OVIM OSOBAMA
JAVITE SE KRIMOLOVCIMA NA TEL.: 080 020 505**

VAŠA POLICIJA

